

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدملیدر.

عرفای امتک مقالات متصوفانه لرینه
جریده صوفیه نک صحیفه لری آچقندر .
درج ایدلیان اوراق اعاده ایدلر .

هیئت تحریریه مدیری :

جریده صوفیه

شیمدیلاک هفته ده بر نشر اولنور .

نسخه سی ۴۰ پارددر .

ابونه سی : برسنه لک اعتباریله ممالک عثمانیه
ایچون پشین اوله رق ۴۰ آلتی آیلنی ۲۵
غروش و ممالک اجنیه ایچون اون ایکی فرانقندر

محل اداره باب عالی جوارنده ابوالسمود
جاده سنده نجم استقبال مطبعه سی
ابن مولانا سعید چلبی

تصوف نظر نده وجود مطلق

کائنات مشهوده و محسوسه بی تشکیل ایدن عالم حادثاتک باشایجه صفت کاشفیهی بر تحول دائمی ایله بی قرار اولمیدر . اسکی حکما بو حاله نظر ایله (کون و فساد) تعبیری وضع و تعمیم ایله مشلردر . بو ثباتنزلق علامت حدوئدر ؛ زیرا آن بآن ، مساسل و متصل بر صورتده یکدیگری ولی ایدن وقوعات آفاقیه و حالات انفسیهیه دقت اولنسه شو آنده واقع اولان بر حادثه اوکا تقدم ایدن بر واقعهدن بوستون بشقه برشیدر . بویله اولنجه بونلرک حادث یعنی صکره ددن اوله شیلردن بولندیغی ضروری اولهرق عقل تسلیم ایدر . ایشته بو ضرورتلر درکه بی ثبات اولان شو کوردیکمز وارقلره ، جماعاً (عالم حادثات) دینلمشدر . یعنی تعبیر مذکورک معناسی (صکره ددن وجوده کلش اولان شیلر عالمی) دیمک اولور .

احوال عالمک طوروب دیکلمه یین جریانه قارشى ذهن متفکرک ایلک نظرده ویره چکی حکم ابتدائی ، واقعا بوندن عبارت اولق طبیعی ایسه ده دوشونمده انسان بر قدمه ده ایلرییه وارنجه ، جدی بر ملاحظه ده قرار قیلار و اوزمین فکریدن آریله ماز . او مهم ملاحظه ده شودر : [بتون شو کلیجی کیچی حادثاته باقجه انسان کائناتک بر خیال اولدیغه واقعا اینانق ایستر ، چونکه هیچ برشی ، شکنده موقفنده ، اوصاف و کیفیاتنده بایدار دکل ! بایدار اولیان بر شینک دخی حقیقتی یوقدر ، فقطحیا بو حال (وجود حقیقی) بی موضع اشتباهه دوشوره بیلیری ؟ یوقسه ، بالعکس قدیم و مستدیم بر وارلیغی اثبات ایدر ؟

شبه یوقه بو کون و فساد بر زمین استناد ایستر ! یوق اولان بر شیء فصل تحول ایده بیلیر ؟ (عدم محض) قابل تبدل واستحاله اوله بیلیری ؟ برشیء اوله وار اولمی درکه تبدل ایده بیلین ! البته بر شیء وار ایدی که اوتهدن بری تبدل ایدوب طورویور ، و بو حادثات عالمی وجوده کتیره یور ! عمان اولسه اونک دالغیهی ، چالقاتیسی ، آقینسی اوله بیلیری ؟ دیمک که بالکیز تموجات اشکالی حس ایده . بیلدیکمز بو عمان حوادثک بر زمین استنادی واردر . بتون بوتجایی اظهار ایدن و (کل یوم هو فی شأن) منطوق منیفجه هر کون ، حتی هر آن بر طور دیکرده اثبات وجود ایله یین بر حقیقت مطلقه واردر ؛ و بو تبدلات حوادث ، اونی انکار ایتک شویله طورسون ، بالعکس قطعی بر صورتده اثبات ایدیور .

ایشته مختصراً خلاصه عرض ایتدیکمز شو ملاحظات ، حکمت صوفیه ده یک مهم بر مرحله تفکرده ، و جای توقف و نظرده ، زیرا تصوف حقیقه ویرلش اولان یا کلش بر حکمی بو نقطه ده بر باد و مضمحل ایده بیلیر . اونیده مختصراً اکلاده می .

اربابجه معلوم درکه صوفیه اوتهدن بری حادثات عالمک دائمی

قرار سیزلغی نشر دقته آلهرق کائنات آفاقیه بی ظل زائل و خیال باطل ودها دوغریسی بر رویا و بانکده عکسی مرایا کبی تلقی ایده کلش ایدی بو سیله درکه بتون بوتجاییه (شعبده) دیه بر کلمه اصطلاحیه دخی وضع ایتمشلردی . تنکیم اصطلاحات صوفیه ده (عالم غوغا) دخی بو دیمکدر . مشهور صوفی صافی مولانا جامی بر بیت موجز ایله بو اعتقادی بر شکل دستوری ده عرض ایتش ، و :
کل مافی الکون ، وهم او خیال ،
او عکوس فی مرایا ، او ظلال .

دیمشدر .

بو ادعایه یا کلش بر وضع ایله معنا ویرنلر حکمت صوفیه نک بو غامض مسئله ده سیاق نظری (عنادیه) فرقه معلومه سنک اعتقاد معروفی ایله بر طومشدر و ارباب تصوفک آثار خلقی انکار ایتدیکنه ذاهب اولمشلردی . بو ذهاب باطلدر ؛ اویله اولدیغی ده یوقاریدن بری عرض ایتدیکمز ملاحظات منطقیه ایله تحقق ایدر . یعنی حادثات عالمی ، حتی عقل بشری بیله بر ظل زائل عد ایتمکه وارانی انکار ایتک و هله هر وارلک یکانه استنادکامی اولان وجود مطلق شبهیه دوشورمش اولق لازم گلمز . چونکه قدیم و مستدیم اولان وجود مطلق بزه دوشوندورن انجق بو کائنات ماده نک ظل زائل کبی سریع الزوال اولماسی کیفیتدر . بونک بر کولکه بر خیال اولماسی ادعا ایتک ، البته بر وجود حقیقی نک کولکه سی و خیالی اولسی ادعاسی متضمندر .

بر حقیقتاً متحرک و متحول بر کولکه کورورسه ک او کولکه بی عکس ایتدیرن شینی دوشونورز و آراز ؛ [بو بر خیالدر ؛ بر کولکه در ؛ اویله ایسه هیچ برشی یوقدر ؛ هر شی خیالدر هر نه واریسه هب هیچدر] دیمک لازم گلمز . بالعکس [مادام که بو بر کولکه در ، البته حقیقتده موجود بر شینک کولکه سیدر .] دیه دوشونورز . فصل که حضرت مولانای رومی ، اولاهوتی لسان شاعرانه سیله بودرلو دوشونمش و عقل انسانی بی بیله عینی مقوله یه ادخال ایدرک :

جزو عقل این ازان عقل کل است ،

جنبش این سایه زان شاخ گلست .

دیمشدر . (او کول دالی قیلمد اماره ، بو کولکه حرکت ایدرمی ؟) شؤالی ایله بویتی ده عادتاً شرح ایدیور ، و کوستریور که بو عالم حادثانه نظرله بر وجود مطلقه بالضروره انتقال ایدیشمزه (علاقه سبیت) دیدیکمز عقیده منطقیه کلیاً ذی مدخلدر . یعنی هر شیه ، هر نحوه بر (سبب موجب) دوشومکدن فارغ اوله مدیغمز ایچوندر که حادثاتندن محذره ؛ آناردن مؤثره ؛ موجودات اضافیه دن وجود مطلقه مجبوراً کیدیورز و محاکات منطقیه من ذهنی سور و کلیه سور و کلیه اوتقطه یه کوتورویور . آرتق ظل زائل و یا خیال باطل دیمش اوله نک بر حکمی اوله میه چی بوندن یک اعلا آکلاشیلر . خیال ایسه کیمک خیالی در . کولکه ایسه کیمک کولکه سیدر ؛ دیه دوشونولونجه وجود حقیقی دخی برابر دوشونولش اولور . بناء علیه صوفیه اعتقادینک بو مسئله ده

اولمله انواع مخلوقات و علی الخصوص اکمل مصنوعاتی اولان نوع بشری خلق و ایجاد بیورمشدر مع مافیه نفسنه عارف اولیان حقه عارف اوله مز. ارباب تحقیق معرفت نفس یدی طور اوزره بیان ایدیورلر (طور اول) سالک کندی جسمنده متصرف اولان روح جزئیسی که اکا نفس ناطقه دخی دیرلر. «معلوم ارباب عرفان اولدینی اوزره اهل وحدت عندنده نفس، قلب، روح، عقل، سر دیدکری لطیفه معنویه شیئی واحددر لکن صفات و مراتب بذل ایتدکجه اعتبارات عدیده ایله کثرت یوزی کوسترمش و برر اسمله تسمیه اولمشدر» بونفس ناطقه جسم و جسمانی اولیوب جسده داخل و خارجده تدبیر و تصرف ایدرک لامکانیلکنی محافظه ده بردوامدر. طوتان، کورن، سوبیلان، ایشیدن، یورون هب اودر. بذاته و بکیته بتون اعضای بدنده موجود و جلهبی محیط فقط جلهدن منز و مبرادر اعضای بدندن بر و یابرقاجی و یاخود عمومی نقصان و یا بالکلیه فنا بولسه لطیفه مشارالیه فناء و زوال طاری اولمز ایشه شوبیان اولتان مرتبه ده و بونک امثالی مراتب کثیرده بالمعاینه انسان کندی نفسنده مطلع اولدینی احوال دائره سنده بیلیمسیر.

(طور ثانی) سالک آفاق و آفاقدن متصرف اولان نفس کلی نظر مطالعه ایله آلوب «عقل کل و روح اضافی» آنک خلیفه اه اولدینی بیلهرک دائره امکانده بولتان بتون موجوداتی محیط و بناء علیه ممکنات موجوده بی بالکلیه مدبر و متصرف و اکا کوره اعلا ی علین و اسفل سافینک شیئی واحد اولدینی و هر مرتبه ده بذاته کلیله موجود و آنک حقه زوال و فنا شایه سی مفقود و استعدادات موجوداته کوره شؤنات و تجلیاتنده محمود اولدینی و مخلوقات الهیه دمبدم تزايد ایتدکجه هر برلرینه تدبیر ارادی ایله افانسه فیص ابتدیی کبی مخلوقات مذکورده نک فوت و نقصاندن روح ذاتی مذکورک متأثر و متجزی اولدینی و کماکان دائم و قائم اولوب مرکز لامکانیسند ثابت بولندینی ادراک ایلکدر «طور ثالث» سالک کندی روح جزئیسی روح کلیده محو و مستهلک کوروب روح اضافی ایله قائم اولدینی حق الیقین مشاهده ایلکدر.

(طور رابع) کندی روحی روح اضافیه فانی و روح اضافی ذات حقه محو ایدوب جزئیت و کلیتدن خلاص اولمله افعال عمومی بی فعل حقه، بتون اسم و صفات ممکناتی، اسم و صفات حقه و جمله ذواتی، ذات واحد مطلقده محو و فنا یه ایرمش کورومک و بونی علم الیقین و حق الیقین مشاهده ایتکدر (طور خامس) اطوار سالفه بی جمع ایله مشاهده ایدوب عرفان حقیقی به اصل اوله رقی لاموجود الا الله سرینه مظهر اولمقددر.

(طور سادس) سالک بو مقامده جلهبی مرات اولوب بتون اشیا بی کندیته مربوط بیلیمکه کندندن غیری بی کوره مامک مذلقه سیله مثلاً اولدیشدن بو مرتبه ده «لیس فی جیتی سوانه» «هل فی الدارین غیری» و بونک امثالی سطوحیات ایله اکلاشلمز بر معالمی حاصل

(عنادیه) دوشونوشنه بکزمه دیکنی ادعا ایتش اولانلر، تصوفی حقیله اکلاماش اولانلردر. و بواسنادلری صوفیه حقهده محض افتزادر. صوفیه نظرندمه بتون بواضافی وارلقلر، بوکولکدر، بوخیاللر بوسبتون (هیچ) دکل بالمکس وجود مطلق شاهدلری اثباتلری در. اولنرک اصطلاحده براسی ده (شواهد الربویه) در. اشیا ناک و موجوداتک هریری اسم و صفات حقندن برینه مظهر اولقی اعتباریده بتون شو عالم تجلیاته، ینه اصطلاحات صوفیه ده (عالم مظاهر) دیرلر. کورولویورکه صوفیه شو کائنات مادیه بی محض حقیقت اولقی اوزره قبول ایدمه مکه برابر — عنادیه کبی — بوسبتون هیچده عد ایتز. چونکه صوفی نظرندمه هر شی وجود مطلق اثبات ایدر برجلوده در. بناء علیه تصوفک بو عقیده اساسیه سی، متکلمین اهل سنتک دستور اصلی اعتقادینه تماماً موافق در. زیرا اهل سنت:

(حنابق الاشیاء ثابتة والعلم بها متحقق)

دیور: اشیا ناک شو کوروندیکی شکل محسوسی ثابتدر دیه یور؛ اشیا ناک حقیقی ثابتدر؛ دیور. اهل سنت باشقه درلوده دیه مز ایدی چونکه اثبات واجب خصوصنده (حدوث عالم) ایله استهاد اتمک متکلمینک الک قوتی دلیل در. بوده اشیا ناک ثابت اولمادیغنی صراحت ادعا ایتکدر. بناء علیه اهل سنت ادعاسجه اصل ثابت اولان وارلق، اشیا ناک شو صورت ظاهره سی دکل حقیقی در. تصوفک اعتقادی ده بوندن باشقه بر شی دکل و اوله ماز. اشیا ناک حقیقه کلنجه یالکدر متکلمین و متصوفین نظرندمه دکل، هر مذهب و هر فلسفه نظرندمه آنحق بر وارلق در: وجود مطلقدر، که شو حیثه کوره اوکا اصطلاحده (وجود البحت) یعنی (وجود صرف) دخی دینلور.

رضا توفیق

بو بابک ایکنجی فصلی که جک نسخه ده.

کان الله ولم یکن مع شیئی

الان کما کان

سرلوحه انخاذا ایتدیکم حدیث شریف و آنک نتیجه سی اولان کلام لطیفک موضوع و غایت و رمز و حکمته دائر سوز سوبلک حدیثک خارجی ایسه ده و قوعب اولان طلبه رغبت و دعوتیه اجابت ایتدیکه ده و حیثه ذمت بیلورم بناء علیه کلین محققین اولیا و اولین مدقیقین اصفیایک رموز و اشاراته بقدر الامکان «ولو تقلیداً اولسون» ترجمانلق ایدمه بیلیمک کساخلغه یلتم و مناه التوفیق

جناب غیب مطلق جلت عظمته حضرتلری کثر عفی ذاتی مراتب و مرایای کائناتنده اظهار بیورمق حب ذاتی ازلیسی اقتضاسندن